

additione omnibus accedentibus ferculum erogavit, et quod non sufficebat bene centum de conventu ultra duo milia recreavit, et in sero ex ipsa trahens habundanter totum collegium saciavit.

Andr. Strum.

§ 91

29. Zenobius plebanus de Bozi Florentine dyocesis dum hora vespertina lampadam lotam cum aqua solum a clerico sine oleo invenisset et absque lumine vespas dicere nollet, ad lampadam accessit, papirum in aqua accendit et hiis verbis beati Iohannis clementiam advocavit: „O beate Iohannes, si vera sunt, que de te dicuntur, ignis in hac aqua sic vivat, quod ad dei laudem et sue genitricis tuique honore omnibus notum fiat“. Quo dicto subito papirum accendit, velut optimo oleo vixit et tamdiu duravit, quousque^{w)} omnibus de plebatu ad sonum campane currentibus evidentissime notum fuit.

w) -usque *am Rand.*